



Na osnovu člana 2.9 stav (1) tačke 7. i 8, a u vezi s članom 5.14 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 87/13, 07/14, 31/16, 41/20, 38/22, 51/22, 67/22 i 24/24), i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 29/18, 25/20 i 32/23), Centralna izborna komisija Bosne i Hercegovine je na 45. sjednici, održanoj 23. 07. 2026. godine, donijela

O D L U K U

o izgledu, sadržaju, svojstvima i karakteristikama glasačkog listića za sve nivoe neposrednih izbora u Bosni i Hercegovini na Općim izborima 2026. godine

Član 1. (Predmet)

Odlukom o izgledu, sadržaju, svojstvima i karakteristikama glasačkog listića za sve nivoe neposrednih izbora u Bosni i Hercegovini na Općim izborima 2026. godine (u daljem tekstu: Odluka) utvrđuju se izgled, sadržaj, svojstva i karakteristike glasačkog listića te osnovni elementi glasačkog listića, kao i načini zaštite glasačkih listića od zloupotrebe (u daljem tekstu: glasački listić).

Član 2. (Izgled glasačkog listića)

(1) Glasački listić je formatiran na odgovarajućem formatu, dizajniran u različitim bojama shodno nivou vlasti odnosno organu vlasti koji se bira.

(2) Štampa glasačkog listića iz stava (1) ovog člana vrši se u dvjema bojama, od kojih je osnovna crna boja i jedna od šest boja za organe vlasti, kako slijedi:

- a) Predsjedništvo Bosne i Hercegovine – siva,
- b) Predstavnički dom Parlamentarne skupštine Bosne i Hercegovine – plava,
- c) Predstavnički dom Parlamenta Federacije Bosne i Hercegovine – ljubičasta,
- d) Narodna skupština Republike Srpske – smeđa,
- e) predsjednik i potpredsjednici Republike Srpske – žuta i
- f) skupštine kantona u Federaciji Bosne i Hercegovine – bordo.

Član 3. (Sadržaj glasačkog listića)

(1) Glasački listić za Opće izbore 2026. godine sastoji se od tri dijela, i to:

- 1. Dio A – nazivi političkih subjekata i brojevi kandidata od minimalno 1 do maksimalno 40, u zavisnosti od nivoa vlasti,
- 2. Dio B – uputstvo za glasanje i
- 3. Dio C – kandidatska lista.

(2) Dio B se nalazi na poledini Dijela A glasačkog listića i zajedno s Dijelom A prolazi kroz skener glasačkih listića.

(3) Dio A glasačkog listića (sistem proporcionalne zastupljenosti) sadrži:

- a) U gornjem dijelu nalazi se tekst u bijeloj boji ili druge prihvatljive boje odgovarajućeg kontrasta u odnosu na osnovnu boju pravougaonika, koji sadrži šifru izbornog nivoa/glasačkog listića, vrstu i datum održavanja izbora, naziv izbornog nivoa te broj izborne jedinice, fonta Verdana.
- b) Šifre izbornog nivoa/glasačkog listića za sistem proporcionalne zastupljenosti su:

1) nivo 500

- 511 – Predstavnički/zastupnički dom Parlamentarne skupštine BiH – Izborna jedinica 1A
- 512 – Predstavnički/zastupnički dom Parlamentarne skupštine BiH – Izborna jedinica 2A
- 513 – Predstavnički/zastupnički dom Parlamentarne skupštine BiH – Izborna jedinica 3A
- 514 – Predstavnički/zastupnički dom Parlamentarne skupštine BiH – Izborna jedinica 4A
- 515 – Predstavnički/zastupnički dom Parlamentarne skupštine BiH – Izborna jedinica 5A
- 521 – Predstavnički/zastupnički dom Parlamentarne skupštine BiH – Izborna jedinica 1B
- 522 – Predstavnički/zastupnički dom Parlamentarne skupštine BiH – Izborna jedinica 2B
- 523 – Predstavnički/zastupnički dom Parlamentarne skupštine BiH – Izborna jedinica 3B

2) nivo 400

- 401 – Predstavnički/Zastupnički dom Parlamenta Federacije Bosne i Hercegovine – Izborna jedinica 1
- 402 – Predstavnički/Zastupnički dom Parlamenta Federacije Bosne i Hercegovine – Izborna jedinica 2
- 403 – Predstavnički/Zastupnički dom Parlamenta Federacije Bosne i Hercegovine – Izborna jedinica 3
- 404 – Predstavnički/Zastupnički dom Parlamenta Federacije Bosne i Hercegovine – Izborna jedinica 4
- 405 – Predstavnički/Zastupnički dom Parlamenta Federacije Bosne i Hercegovine – Izborna jedinica 5
- 406 – Predstavnički/Zastupnički dom Parlamenta Federacije Bosne i Hercegovine – Izborna jedinica 6
- 407 – Predstavnički/Zastupnički dom Parlamenta Federacije Bosne i Hercegovine – Izborna jedinica 7
- 408 – Predstavnički/Zastupnički dom Parlamenta Federacije Bosne i Hercegovine – Izborna jedinica 8
- 409 – Predstavnički/Zastupnički dom Parlamenta Federacije Bosne i Hercegovine – Izborna jedinica 9
- 410 – Predstavnički/Zastupnički dom Parlamenta Federacije Bosne i Hercegovine – Izborna jedinica 10

- 411 – Predstavnički/Zastupnički dom Parlamenta Federacije Bosne i Hercegovine – Izborna jedinica 11
- 412 – Predstavnički/Zastupnički dom Parlamenta Federacije Bosne i Hercegovine – Izborna jedinica 12

3) nivo 200

- 201 – Kanton 1
- 202 – Kanton 2
- 203 – Kanton 3
- 204 – Kanton 4
- 205 – Kanton 5
- 206 – Kanton 6
- 207 – Kanton 7
- 208 – Kanton 8
- 209 – Kanton 9
- 210 – Kanton 10

4) nivo 300

- 301 – Narodna skupština Republike Srpske – Izborna jedinica 1
- 302 – Narodna skupština Republike Srpske – Izborna jedinica 2
- 303 – Narodna skupština Republike Srpske – Izborna jedinica 3
- 304 – Narodna skupština Republike Srpske – Izborna jedinica 4
- 305 – Narodna skupština Republike Srpske – Izborna jedinica 5
- 306 – Narodna skupština Republike Srpske – Izborna jedinica 6
- 307 – Narodna skupština Republike Srpske – Izborna jedinica 7
- 308 – Narodna skupština Republike Srpske – Izborna jedinica 8
- 309 – Narodna skupština Republike Srpske – Izborna jedinica 9

- c) Iza navedenog teksta horizontalno s lijeve strane je tekst: “OBAVEZNO označite samo jedan politički subjekt.” Ovaj tekst ispisan je na tri jezika i dva pisma. Ispod navedenog teksta počevši s lijeve strane ispisani su nazivi političkih subjekata poredani na osnovu žrijeba provedenog dana 23. 07. 2026. godine, ispred kojih se nalaze kružići za obilježavanje političkog subjekta za kojeg se glasa.
- d) S desne strane u vrhu nalazi se tekst: “Možete označiti 1, 2 ili najviše 3 kandidata.” Ovaj tekst ispisan je na tri jezika i dva pisma. Ispod navedenog teksta nalaze se kružići čiji broj odgovara broju kandidata na kandidatskoj listi uvećan za pet u odnosu na broj mandata koji se dodjeljuje u toj izornoj jedinici za određeni nivo vlasti, a koji omogućavaju glasanje za kandidata.
- e) U desnom donjem uglu nalazi se QR kod. Iznad QR koda nalazi se šifra biračkog mjesta i šifra glasačkog listića.
- f) QR kod sadrži enkriptovane informacije o biračkom mjestu, šifri glasačkog listića i broju glasačkog listića.
- g) QR kod je sigurnosni element koji sadrži zaštitu identičnu otisku štambilja i potpisu člana biračkog odbora.

(4) Dio A glasačkog listića (sistem većinskog glasa – Predsjedništvo Bosne i Hercegovine te predsjednik i potpredsjednici Republike Srpske) sadrži:

- a) U gornjem dijelu je tekst u crnoj boji ili druge prihvatljive boje odgovarajućeg kontrasta u odnosu na osnovnu boju pravougaonika, koji sadrži šifru izbornog nivoa/glasačkog listića, vrstu i datum održavanja izbora, naziv izbornog nivoa i broj izborne jedinice, fonta Verdana.
- b) Šifre izbornog nivoa/glasačkog listića za sistem većinskog glasa su:
 - 701 – Predsjedništvo Bosne i Hercegovine – bošnjački član
 - 702 – Predsjedništvo Bosne i Hercegovine – hrvatski član
 - 703 – Predsjedništvo Bosne i Hercegovine – srpski član
 - 600 – predsjednik i potpredsjednici Republike Srpske
- c) Ispod gornjeg teksta iz tačke a) ovog stava je tekst: “OBAVEZNO označite samo jedan politički subjekt.” Ovaj tekst ispisan je na tri jezika i dva pisma, a ispod kojeg se nalaze imena kandidata i naziv političkog subjekta ispred kojeg su kandidirani.
- d) U desnom donjem uglu nalazi se QR kod. Iznad QR koda nalazi se šifra biračkog mjesta i šifra glasačkog listića.

(5) Na Dijelu B glasačkog listića nalazi se uputstvo o načinu glasanja odnosno popunjavanja glasačkog listića i uputstvo o načinu skeniranja glasačkog listića, ispisan crnom bojom na tri jezika i dva pisma, fontom Verdana. Tekst uputstva uokviren je linijama druge boje koja se koristi za štampu na način pojedinačno za sva tri jezika koja su u službenoj upotrebi u Bosni i Hercegovini.

- a) Na gornjoj strani horizontalno ispisan je pravougaonik u jednoj od boja iz člana 2. stav (3) tačke a) do f), koji sadrži šifru izbornog nivoa/glasačkog listića, vrstu i datum održavanja izbora, naziv organa za koji se provode izbori u bijeloj boji ili druge prihvatljive boje odgovarajućeg kontrasta u odnosu na osnovnu boju pravougaonika, font Verdana.
- b) Ispod pravougaonika je tekst: “Kako glasati” na tri jezika i dva pisma, a ispod kojeg se nalazi animacija s rednim brojem 1 i uputstvom na koji način se obilježava kružić ispred političkog subjekta za kojeg se glasa.
- c) Ispod teksta iz tačke b) ovog stava je pravougaonik u jednoj od boja iz člana 2. stav (3) tačke a) do f), s tekstom kako se skenira glasački listić, na tri jezika i dva pisma.
- d) Ispod pravougaonika iz tačke c) ovog stava su animacija s rednim brojem 2 i tekstom: “Zaštitite svoj glasački listić: provjerite je li listić okrenut prema dolje.” (ne vide se kandidati, animacija s rednim brojem 3 i tekstom: “Ubacite svaki glasački listić pojedinačno u prednji otvor skenera” i animacija s rednim brojem 4 i tekstom: “Pratite upute na ekranu skenera”, sve na tri jezika i dva pisma).
- e) Glasački listići za glasanje putem pošte, uz elemente iz ovog stava, sadrže i dijagonalni otisak s latiničnim i ćiriličnim nazivom “POŠTA”.

(6) Dio C glasačkog listića je Kandidatska lista. Kandidatska lista se sastoji od imena svih kandidata političkih subjekata iz dijela A glasačkog listića, za glasačke listiće iz člana 2. stav (2) tačke b), c) d) i f) ove Odluke. Kandidatska lista je sastavni dio glasačkog listića i ista će biti dostupna biraču na biračkom mjestu, odnosno u okviru glasačkog paketa za glasanje Nepotvrđeni, Odsustvo, Mobilni timovi, Pošta i DKP.

Član 4.

(Broj kružića po nivoima vlasti i po izbornim jedinicama za liste proporcionalne zastupljenosti)

Na glasačkom listiću s desne strane nalazi se broj kružića čiji broj odgovara maksimalnom broju kandidata u toj izbornoj jedinici za određeni nivo vlasti, a koji omogućavaju glasanje za kandidata, kako slijedi:

a) Predstavnički dom Parlamentarne skupštine Bosne i Hercegovine

- 511 izborna jedinica 1A	broj mandata 3	broj kružića 8
- 512 izborna jedinica 2A	broj mandata 3	broj kružića 8
- 513 izborna jedinica 3A	broj mandata 4	broj kružića 9
- 514 izborna jedinica 4A	broj mandata 6	broj kružića 11
- 515 izborna jedinica 5A	broj mandata 5	broj kružića 10
- 521 izborna jedinica 1B	broj mandata 3	broj kružića 8
- 522 izborna jedinica 2B	broj mandata 3	broj kružića 8
- 523 izborna jedinica 3B	broj mandata 3	broj kružića 8

f) Predstavnički dom Parlamenta Federacije Bosne i Hercegovine

- 401 izborna jedinica 1	broj mandata 9	broj kružića 14
- 402 izborna jedinica 2	broj mandata 5	broj kružića 10
- 403 izborna jedinica 3	broj mandata 7	broj kružića 12
- 404 izborna jedinica 4	broj mandata 4	broj kružića 9
- 405 izborna jedinica 5	broj mandata 8	broj kružića 13
- 406 izborna jedinica 6	broj mandata 4	broj kružića 9
- 407 izborna jedinica 7	broj mandata 6	broj kružića 11
- 408 izborna jedinica 8	broj mandata 9	broj kružića 14
- 409 izborna jedinica 9	broj mandata 8	broj kružića 13
- 410 izborna jedinica 10	broj mandata 3	broj kružića 8
- 411 izborna jedinica 11	broj mandata 7	broj kružića 12
- 412 izborna jedinica 12	broj mandata 3	broj kružića 8

g) Narodna skupština Republike Srpske

- 301 izborna jedinica 1	broj mandata 7	broj kružića 12
- 302 izborna jedinica 2	broj mandata 7	broj kružića 12
- 303 izborna jedinica 3	broj mandata 12	broj kružića 17
- 304 izborna jedinica 4	broj mandata 4	broj kružića 9
- 305 izborna jedinica 5	broj mandata 6	broj kružića 11
- 306 izborna jedinica 6	broj mandata 9	broj kružića 14
- 307 izborna jedinica 7	broj mandata 7	broj kružića 12
- 308 izborna jedinica 8	broj mandata 4	broj kružića 9
- 309 izborna jedinica 9	broj mandata 7	broj kružića 12

h) skupštine kantona u Federaciji Bosne i Hercegovine

- 201 – Kanton 1	broj mandata 30	broj kružića 35
- 202 – Kanton 2	broj mandata 21	broj kružića 26
- 203 – Kanton 3	broj mandata 35	broj kružića 40
- 204 – Kanton 4	broj mandata 35	broj kružića 40
- 205 – Kanton 5	broj mandata 25	broj kružića 30
- 206 – Kanton 6	broj mandata 30	broj kružića 35
- 207 – Kanton 7	broj mandata 30	broj kružića 35
- 208 – Kanton 8	broj mandata 23	broj kružića 28
- 209 – Kanton 9	broj mandata 35	broj kružića 40
- 210 – Kanton 10	broj mandata 25	broj kružića 30

Član 5.
(Svojstva glasačkog listića)

- (1) Dio A i Dio B glasačkog listića za Opće izbore 2026. godine je dimenzija 215,9 mm x 279,4 mm.
- (2) Vrsta i težina papira za glasački listić je sljedeća:
- Gramatura 170 gsm;
 - Neprozirnost 98–99 %;
 - Glatkoća (Sheffield) ~160 Bendtsen;
 - Boja / osnova visoko bijela (CIE ~143);
 - Debljina 204 µm (170 gsm);
 - Površina glatka, nepremazana.

Član 6.
(Karakteristike glasačkog listića)

Glasački listić je službeni, osjetljivi izborni materijal na kojem su istaknuti službeni izborni podaci i sigurnosni elementi.

Član 7.
(Uzorci)

Sastavni dio ove Odluke su uzorci izgleda glasačkog listića za organe vlasti iz člana 2. stav (2) ove Odluke.

Član 8.
(Prestanak primjene)

Danom stupanja na snagu ove Odluke prestaje važiti Odluka o izgledu, sadržaju, svojstvima i karakteristikama glasačkog listića za sve nivoe neposrednih izbora na Općim izborima 2026. godine broj: 05-1-02-2-1213-1/26 od 07. 05. 2026.godine.

Član 9.
(Stupanje na snagu i objavljivanje)

Ova Odluka stupa na snagu danom donošenja, a bit će objavljena u “Službenom glasniku BiH”, “Službenim novinama FBiH”, “Službenom glasniku RS”, “Službenom glasniku Brčko distrikta BiH” i na internet-stranici Centralne izborne komisije BiH www.izbori.ba.

Broj: 05-1-02-2-1213-2/26
Sarajevo, 23. 07. 2026. godine



Prodsjédnik

Jovan Kalaba